

Eibenstock

Unner 2. EIMSTOCKER MUND-ART-TRAFFN



...un die alle warn, wie of ne Bild ze sah, dorbei: dor Hundshübler Moritz, de Denise mit ihrn Yves, dor Robert mit sein Gung, dor Frank Schubert aus Thum, dor Steffen Kindt, dor Matthias Fritzsch aus Zwicke, de Katrin Hütt vu Stitzngrie, dor Thomas Seidel vu Carlsfald, lech dor Schmidt, un dor Florian Stölzel aus Griehaa-Beierfald!

Nu des kaa ewos warn, dacht iech bei dor Vürbereitung: schlappe 19 ham siech zen Aafang gemald! Do hatt iech schu eweng Koppwehding. Aber de Eimstocker hams net esu eilich, siech ze maldn oder kumme halt spontan dorzu! Des is for de Planerei mit de Plätz un dor Asse rei fei net esu aafach. Die siech noch nie mit suner Sach befasst ham, die kenne des gar net vorstieh, die müßt des emol salberst durchstieh müßn!

Am Maantich zevier hob iech noch emol Hektik gemacht, Fleier vortaalt un de Denis hatts im Sochl-Medija gelei noch neigestellt – dann wurns mit enmol genuch un se muß schnell „Ausvorkaaf“ drierber schreiben!

Allermacht, war des ne Aufreeching! Aber des allis hat siech total geluhnt: Alle ham unner Traffn gelobt, alle warn zefriedn un iech natierlich dann aa! Die schenn Gedichter un Liedler warn aafach wunnerschie aazehern.

Dor musikalische Auftakt war natierlich unner Eimstocker Marsch – gemeinsam vu alln Musikantn gespielt, alln voran dor Thomas un dor Florian mit sein schenn Zitherspiel.

Dor klaane Moritz mit seine 8 Gahr war is erschte mol mit sein „Bie iech net e schiener Rußbuttnbub“ dorbei un hats gelei ganz schie gemacht. Nu un unner Yves tat ne sehr gut mit sein Bandoneon begleitn. Sei Gedicht dornooch – geschriebrn vun Zwicker Matthias – hat ar aa wunnerschie vürgetrogn. Gespielt hat dor Yves dann noch e paar Liedle mit ne Robert un sein Gung.

Dor Zwicker-Matthias hat zwischndurch in altbewährter Weis seine lustign Gedichtle zen Bestn gabn. Dar hat dodorvu su in Haufn, des ar in ganzn Obnd un noch de ganze Nacht dorzähl'n kennt! Dann ham mir – de Denise un lech – uns in Steffen Kindt nooch vorne gehult. Do is eweng ieber unnerer Mundart diskutiert wurn un vor alln, wie unnerer Kinner do mit eibzugn warn kenne. Dor Steffn un de Denise gabn siech alle Müh dodorfier, allis in Ehrnamt vorstieht siech, weil mir ja kaane Fördering vu Drasd'n kricht ham. Hoffentlich findn siech noch e paar meh Kinner, die do mit machn. Suviel wie bei unnerer Annelies Wasmund aafang dor 90 Gahr werns nu bestimmt net, die Zeitn sei vorbei, denk iech. Als suzesogn Sonnergast kam dor Schubert, Frank dann dra.

Dar hat schiene eichne Liedle zen bestn gabn un aa su hat dar lustichs Zeich dorzählt, des allis ringsrim nár esu gelacht hat. Den wern mir uns ganz bestimmt wieder mol zu nern Hutznobnd eilodn!

Als Gast aus Stitzngrie hat de Katrin Hütt 2 schiene Gedichtle aus ihrn Büchern vür- getrogn – die gibt's vorne in dor Regine ze kaafn, also net de Katrin – naa, nár ihre Bücher!

Weil mir ja aa e paar Einnahme for alle Ukostn brauchn, is dor Hubert als Wurzelrudi ringsrim gange un hat ganz gut eigesammelt, werns aa zen Schluss net ganz for alle Ausgobn gereicht hat.

Allis in alln wars e gelungnis Mund-Art-Traffn, su wie mir uns des viergestellt ham. Des sollt in de nächstn Gahrn ubedingt fortgefiehr't wern – nár – is müßt siech emol e annerer dorvier spanne, im des Ganze auszedenkn, ze organisiern un allis ze bedenkn, wos dorzu gehert: Abprogn mit de Mitwirkndn, mit dor Lokalität, Kostenplaning, is Programm dorstelln, paar Blume bedorgn un, un, un!

Vielleicht find siech wirklich mol aaner...

Bis dohie - eier Schmidt

Pferdekutschfahrt für die Kleinsten im Spatzenhaus

Als ein besonderes Dankeschön für die schöne Krippenzeit organisierte uns Familie Wassermann eine Fahrt mit der Pferdekutsche.

Am 24.06. war es dann endlich soweit. Mit Sonnenschein und guter Laune, warteten wir aufge regt 8.30 Uhr vorm Spatzenhaus auf unsere Pferdekutsche.

Auf unserer Runde um den Gerstenberg gab es viel zu entdecken.

An der Wanderhütte erwartete uns ein liebevoll angerichtetes und üppiges Frühstück. Alle langten ordentlich zu.

Frisch gestärkt ging es dann zurück ins Spatzenhaus.

Es war ein wunderschöner Vormittag und alle waren begeistert.

Hiermit möchten wir uns nochmals recht herzlich bei Familie Wassermann bedanken, dass sie uns diesen wundervollen Tag ermöglicht haben.

Conny, Julia und die Kinder der Krippengruppe

